

**Siunnersuut: Inatsisartut Ombudsmandiat pillugu Inatsisartut inatsisaat nr.
xx,xx.xx.2017-imeersoq.**

pillugu

Inatsisinut Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Iddimanngiiu Bianco, Inuit Ataqtigiit, siulittaasup tullia
Inatsisartunut ilaasortaq Laura Tàunâjik, Siumut
Inatsisartunut ilaasortaq Debora Kleist, Inuit Ataqtigiit
Inatsisartunut ilaasortaq Per Rosing-Petersen, Partii Naleraq

Ataatsimiititaliap siunnersuut ulloq 25. april 2017-imi siullermeerneqarnerata kingorna misissorpaa.

1. Siunnersuutip imarisai tunuliaqutaalu

Pisortat ingerlatsineri tamarmik Ombudsmandip sulineranut ilaatinneqarput. Tamatuma nassatarisaanik inatsisit atuuttut naapertorlugit suliffeqarfiit kattuffiillu namminersortut Ombudsmandip piginnaasaqarfiisa avataaniipput.

Naalagaaffiit Peqatigiit naalliutsitsisarneq il.il akiorniarlugit isumaqatigiissutaannut ilassut nammineq piunassuseq tunngavigalugu ilannguffigineqarsinnaasoq, naapertorlugu Ombudsmandi nuna tamakkerlugu pinaveersaartitsisutut Ombudsmandi pillugu inatsit atuuttoq aqutigalugu toqqarneqarpoq, tak. inatsimmi § 17. Isumaqatigiissummut ilassutip siunertaraa naalliutsitsisarneq allatullu peqqarniingartumik, inuppalaanngitsumik imaluunniit nikanarsaataasumik pinnittarneq imaluunniit pillaasarneq pinaveersaartinniarlugit nunani tamalaani nunamilu namminermi arlaannaannulluunniit attuumassuteqanngitsunik sumiiffinnut inuit kiffaanngissusiagaaffigisaannut akuttunngitsumik misissuiartortartoqarnermik aqqissuussinissaq. Tigummigallagaasarfiit isumaqatigiissut malillugu misissuiffigineqartussat tassaannaanngillat paaqqinnittarfiit pisortat ingerlatsiviinut ilaasut. Taamaammat siunnersuutigineqarpoq Ombudsmandip isumaqatigiissutip atuuffiini

piginnaatitaaffii aamma paaqqinnittarfinnut namminersortunut il.il. atuuttunngorlugit annertusineqassasut.

Ombudsmandip suliassa qarfia siunnersuutikkut annertusineqarpoq taamaalilluni pissutsit kiffaangissusiiagaasimasut paaqqinnittarfinni namminersortuni il.il. pisortani oqartussaasup aalajangiineratigut, kaammattuuteqarneratigut, akuersineratigut akuersarneratigulluunniit kiffaangissusiiagaaffiusuni, atugaat pineqartunut aamma ilaalersillugit. Matumani kiffaangissusiiagaaneq tassaavoq tigummigallagaaneq sunaluunniit, paarnaarusaaaneq imaluunniit pisortat namminersortulluunniit tigumminnittarfianni kiffaangissusiiagaasutut nammineerluni qimaqqusaanngisami inissinneqarneq.

Inatsit atuuttoq malillugu Ombudsmandimut ilisimatitsisussaataaneq, allagaatinik tunniussisussaataaneq allakkatigulluunniit oqaaseqaasiortussaataaneq taamaallaat pisortanut atuuppoq. Siunnersuutigineqartutulli allannguinermi tamanna aamma paaqqinnittarfinnut namminersortunut atuutilissaaq, tamanna kiffaangissusiiagaaneq pisortani oqartussaasup aalajangiineratigut, pisortani oqartussaasup kaammattuuteqarneratigut pisortaniluunniit oqartussaasup akuersineratigut akuersarneratigulluunniit pippat.

Taamaammat Ombudsmandi nunami pinaveersaartitsisutut pisussaaffimminik naammassinnissinnaassappat pingaartuuvoq Ombudsmandip paaqqinnittarfinnik namminersortunik il.il. nakkutilliiartorsinnaanera. Taamaammallu Ombudsmandip eqqartuussivinnit piginnaatitsissummik peqqaarani paaqqinnittarfinnut namminersortunut il.il. inuit kiffaangissusiiagaaffigisaannut imaluunniit kiffaangissusiiagaaffigisinnaasaannut nakkutilliiartorsinnaaneranut siunnersuutikkut tunngavissiisoqarpoq.

Naalagaaffiit Peqatigiit Meeqqat pillugit Isumaqatigiissutaatigut meeqqat assigiinnigitsutigut pisinnaatitaaffeqarput. Pisortani oqartussaasut attuumassuteqartut ingerlatsineranni inatsisitigut atuuttutigut pisinnaatitaaffiit taakku atuutsinneqarput. Pisinnaatitaaffiit taakku ataqqineqarlutik eqquutsinneqarnerannut akisussaaffik tunngavimmigut pisortani oqartussaasuniippoq aammattaarli inatsisitigut inuttut nalilerneqarsinnaasuni namminersortuniilluni (juridisk person), suliffeqarfinniilluni imaluunniit inunni ataasiakkaaniilluni il.il. Ombudsmandip inatsisit atuuttut malillugit paaqqinnittarfinnik namminersortunik nakkutilliiisinnaanera killeqarpoq. Suliffeqarfiit namminersortut inuillu ataasiakkaat il.il. meeqqat pisinnaatitaaffiisa malitsinneqarnerannut akisussaasut pisortat ingerlatsiviini oqartussaasunit annertuumik nakkutigineqartussaataapput. Ombudsmandi naammagittaalliutinik nakkutilliiisussaataasunut taamaattunut ingerlatitseqqissinnaavoq kiisalu nakkutilliiisussaataasut nakkutilliiisussaataanermik ingerlatsinerat pillugu naammagittaalliutinik suliarinnissinnaalluni. Nakkutilliiisussaataasooq aqquqigalugu toqqaannangitsumik nakkutilliiineq taanna Naalagaaffiit Peqatigiit kaammattuutaannik naammassinninnissamut pisuni tamani naammannaviannigilaq. Siunnersuutip tamanna

tunnngavigalugu aallaavigaa Ombudsmandip aamma paaqqinnittarfinni namminersortuni nakkutilliisinnaatitaanera.

Ombudsmandip tassunga atatillugu meeqqanik paaqqinnittarfinnik nakkutilliarternermut atatillugu sammisaq pillugu ilisimasanik taperserneqarnissamik meeqqat pisinnaatitaaffii pillugit sullissivimmik suleqateqarnissamut isumaqatigiissuteqarneranut innersuussisoqarpoq, tamanna pillugu Ombudsmandip 2013-imi ukiumoortumik nalunaarutaa takuuk.

2. Inatsisinut Ataatsimiititaliap inassuteqaataa

Ataatsimiititaliap isumaqatigiittup siunnersuutip akuersissutigineqarnissaa inassutigaa.

Taamatut oqaaseqaateqarluni Inatsisinut Ataatsimiititaliap siunnersuut aappassaaniigassanngortippaa.

Anders Olsen
Siulittaasoq
Siumut

Laura Tàunâjik
Siumut

Per Rosing-Petersen
Partii Naleraq

Debora Kleist
Inuit Ataqaṭigiit

Iddimangiiu Bianco
Inuit Ataqaṭigiit